

## Informacija za roditelje o Zakonu o zaštiti od morbila

Poštovani/a gospodine/gospođo,

1. marta 2020. na snagu je stupio novi Zakon o zaštiti od morbila.

Morbile (ospice) spadaju među najzaraznije infektivne bolesti, čije prenošenje je moguće bez direktnog kontakta. Ovo oboljenje se može dovesti u vezu s teškim komplikacijama i drugim posljedičnim oboljenjima. Najbolju zaštitu od morbila pružaju vakcine. One obezbjeđuju doživotni imunitet.

Biti nevakcinisan ne predstavlja samo opasnost za vaše fizičko blagostanje, nego i rizik za druge ljude.

Zakon glasi:

- Dužni ste dostaviti dokaz o vakcinaciji protiv morbila za svoju djecu koja su već upisana u školu ili će to uskoro biti.
- Zakonodavstvo obavezuje upravu škole da provjeri da li je učenik/ca vakcinisan/a protiv morbila.

U primjeni to znači:

- da se za svu djecu koja žele biti primljena u školu nakon 1. marta 2020. godine, mora osigurati dokaz u skladu sa Zakonom o zaštiti od morbila **prije samog početka nastave**
- da se za svu djecu koja 1. marta 2020. godine već pohađaju školu, dokaz mora dostaviti **najkasnije do 31. jula 2021. godine.**

Traženi dokaz se u pravilu prilaže pokazom **kartona vakcinacije** ili potvrde o vakcinaciji (dvije vakcine protiv morbila).

Dokaz o vakcinaciji je potrebno priložiti samo jednom u toku školovanja. Ukoliko se dokaz ne priloži, direktori/ce škole su zakonski dužni odmah obavijestiti nadležni zdravstveni zavod. Zdravstveni zavod će tada poduzeti dalje korake (savjetovanje, novčana kazna, sudsko izricanje novčane kazne).

Dodatne informacije možete pronaći na [www.masernschutz.de](http://www.masernschutz.de).

Molimo Vas da obratite pažnju na priložene informacije o obradi podataka za učenike/ce u vezi s primjenom Saveznog zakona o zaštiti od morbila u školama.

*Prevedeno i skraćeno od strane BildungsBrückenBauen. Originalno pismo na njemačkome jeziku je priloženo uz ovo pismo.*

Bosnisch

Übersetzt von: BildungsBrückenBauen – Ehrenamtliche Servicestelle zur sprachlichen

Vermittlung bei Eltern-/Beratungsgesprächen im Bildungskontext

Übersetzt von: BildungsBrückenBauen – Ehrenamtliche Servicestelle zur sprachlichen  
Vermittlung bei Eltern-/Beratungsgesprächen im Bildungskontext